




Doengzhag Gou

贵港市覃塘区蒙公镇凌寺小学四(1)班 Cinz Dingzdingz/覃婷婷

Daj iq daengz seizneix, gou miz haujlai doengzhag, hoeng caeuq gou ceiq ndei, hawj gou ceiq boiqfug couh dwg Siujmingz.

De bineix 10 bi lo, bouxvunz mbouj biz hix mbouj byom, de gig gyaез bang vunz, singqcingz unqswnh, ndigah miz haujlai doengzhag gyaез caeuq de guh baengzyoux.

Miz baez ndeu dwg singhgiz roek, gou caeuq Siujmingz caeuq daxbuz de doxcaez dap banci bae haw. Hwnj ci le, de ra aen dieгнаengh ndeu naengh roengzdaeu, ngamq naengh roengzdaeu couh dingqny de singsang heuh naeu: "Swhgih, gizneix miz aen ngaenzbau ndeu, mbouj rox dwg byawz lumz youq gwnz dieгнаengh neix lo." Gangj sat couh dawz ngaenzbau byaij hwnj baihnaj bae hawj swhgih, swhgih baez yawj, ndaw ngaenzbau miz caet bak maenz ngaenz caeuq mbaw ci biuq ndeu. Dangseiz daengx ci vunz cungj yaengx fwngzmeh hawj Siujmingz, haenh de dwg boux lwgnyez ndei ndeu.

Lij miz baez ndeu, gyoengq doengzhag gwn ngaiz le, cungj haeu ndaw gyausiz sij cozyez, cijmiz doengzhag Siujfangh boemz youq gwnz daiz najsap najmbwng. Siujmingz raen le cam de, yienzlaiz yaek gaujsi lo, de mbouj miz bit, haujlai doengzhag cungj mbouj nyienh ciq bit hawj de, aenvih de bingzseiz cungj gig gyaез ha doengzhag. Siujmingz rox le, sikhaek daj ndaw habbit dawz gonj bit ndeu okdaeuj, ndenq hawj Siujfangh naeu: "Siujfangh, gou lij miz bit, mwngz dawz gonj bit neix sij ba, geiq ndaej raeuz dwg doengzhag, raeuz aeu doxyaез doxbang bw!" Siujfangh gaem gvaу gonjbit najmong dwk ngaem gyaеuj roengzdaeu lo. Gvaqlaeng ndaw ban dou gyoengq doengzhag cungj doxbang, ban dou doeklaeng lij ndaejdaengz "bangaep vwnzmingz" dem.

Siujmingz gij binjeiz de cigndaej gou hagsib, baezlaeng gou hix dang boux lwgnyez ndaej vunz haenh ndeu.

(bouxlauxsae son'gyauq Luz Dunghinz)

suenangq gojlgnyez

Aenliengj Wnggai Ciq Hawj Byawz

Miz ngoenz ndeu, go' nywj heuswdsd, dujva gyaеugigi, gaeqlwg、bitlwг、gvilwg caeuq goeplwg doxiu bae Byayisanh Gunghyenz liuh. Gyoengqde yaep ndeu doxndoj, yaep ndeu gangj gojgaeq.....

Cingq dang gyoengqde guhcaemh ndaej angqvauvau, sawqmwh, gwnzmbwn fwj ndaemndwtndwt, byajraez byajmig, raen yienghneix, gyoengqde ganjgip buet ma ranz.

Mwh lohgvag ranz daxmehmeuz, yawjraen daxmehmeuz ndwn youq gwnz yangzdaiz, gyoengqde caemhsing heuh: "Daxmehmeuz, ciq liengj hawj dou ndaej lwi?" Daxmehmeuz cienq ndang dawz aen liengj ndeu okdaeuj, naeu: "Gou ngamq miz aen liengj ndeu, sou seiq boux, gou wnggai ciq hawj byawz ne?" Goeplwg yat mbat ndeu, naeu: "Gou daj iq maj youq ndaw raemx, ceiq maij raemx lo, fwn caiq hung gou hix mbouj lau, aenliengj hawj gvilwg ba!" Gvilwg iet aen'gyaеuj coh baihrog, naeu: "Mbouj yungh mbouj yungh, gou miz aen'gyap genggw, fwn rwd baihgwnz di cungj mbouj lau, gou hix mbouj lau fwn. Aenliengj hawj bitlwг ba!" Bitlwг bekbek gaiqfwd de, naeu: "Mbouj law mbouj law, gou ceiq maij youq ndaw raemx guh'angq, hix mbouj lau fwn, lij dwg ciq hawj gaeqlwg ba!" Daxmehmeuz hai aenliengj hawj gaeqlwg. Gaeqlwg cieп gvaу aenliengj, gamjdoengh naeu: "Gyo' mbaiq daxmehmeuz, gyo-mbaiq daihgva!"

Couh youq mwhde, fwnhung raixhoho roengzdaeu, gaeqlwg gang aenliengj daxmehmeuz ciq hawj haenx, angqfwngfwng byaij youq gyang fwn, bitlwг、gvilwg、goeplwg ndaetndi humx dwk gaeqlwg, bingzonj byaij baenaj.

Daxmehmeuz yawj seiq lwg doengzdoh saemh fwn byaij, haenh gyoengqde dwg lwg ndei doxyaез doxgvensim.

(sam nienzgaep Cuh Youjvwnz)



Seiqgyaiq lwgnyez mwngz mbouj rox! Ndigah——

Cuengq Gaiq Fwngz Laengz De Roengzdaeu

Youq mwh lwgnyez guh loek, mwngz cungj bae gibseiz gaijcingq de, hoeng mwngz yied gaijcingq, de yied geizheih, "gou guh gienh saeh neix, dauqdaej aiq fatseng gijmaz saeh?" Yienghneix de baez youh baez bae guh, mwngz cix baez youh baez bae laengz de. Gizsaed, danghnaeuz mbouj dwg saeh gvendaengz dailix, mwngz cienzbouh cungj ndaej cuengqfwngz hawj de bae buек, hawj de gyaеuj

Seiqgyaiq Lwgnyez Mwngz Mbouj Rox

daemj deng fajciengz le couh rox dauqlaeng lo, hix deng hit lo, de baezlaeng couh mbouj caiq yienghneix guh lo.

Haep Aenbak Sienghaih De Hwnj

Mwh lwgnyez miz baez gaujsi he gauj ndaej ca le, roxnaeuz deng lauxsae miq le, cingj haep aen bakbyom mwngz hwnj, gaej baeh de, hix gaej aeu gij yaез de caeuq lwgnyez wng doxbeij, nanzdauh de couh mbouj miz giz ndei? Lwgnyez ranz wng couh mbouj miz giz yaез? Vunz mbouj dwg yienghyiengh cungj ndei, mwngz wnggai dauqngeix mwh mwngz lwgnyez couh mbouj miz seiz lumj de yienghneix? Seizneix de ceiq mbouj siengj dingq haenx couh dwg bakbyom vah baeh sieng vunz, de ceiq siengj dingq dwg gij vah nai de gujli de. Vah ndei coenz ndeu raeuj sam doeng, va doeg sieng vunz loeg nyied ndangj.

Iet Gaiqfwngz Haenh De Okdaeuj

Lwgnyez mwh ma ranz lwnh mwngz de gauj ndaej faensoq gig sang, mwngz mbouj ndaej lumj mbouj miz maz nei han sing "o" ndeu, yienghneix

lwgnyez lumj deng rwd bat raemxliengz ndeu nei, simliengz liux. Danghnaeuz mwngz habseiz umj de mbat he, doiq de yaengx hwnj fwngzmeh biuji haenh de, de ndaej haenh le ndawsim itdingh angq dangqmaz. Caj baezlaeng gaujsi, de itdingh aenvih mwngz haenh de cix engqgya roengzrengz.

Gaej Nyaenx Gij Siengjsiengliz De Bae

Ngoenzsinghiz daengz lo, wnggai sij ngoenz-geiq lo, mwh de sij bien cozvwnz sij ndaej maxsaenz mbin gwnz mbwn, nanz lijgaij, mwngz gaej ndaq de, minghlingh de caiq dauq sij bien ndeu. Mwngz yaek roxriuj, siengjsiengliz dwg gij dijbauj lwgnyez, noix mbouj ndaej, bouxvunz noix siengjsiengliz, dwg mbouj miz swhsiengj bw. Mwngz lwnh de nyi, mwngz sij ndaej gig ndei, caiq lwnh de, de mbouj ndei dwg gijmaz, dou lwgnyez dingq ndaej rox go.

Seiqgyaiq lwgnyez mwngz mbouj rox, cingj dingqdingq vah ndawsim dou.

(Cuh Cwngzyenz)

(dozcap banjneix daj gwnzmuengx aeu)